



**Umiarsualivimmiinnermut akileraarutit pillugit Inatsisartut inatsisaata allanngortinnera pillugu
Inatsisartut inatsisissaannut siunnersuut (Umiarsuarni takornarianik angallassisuni ilaasut
akileraarutaannik atuutilersitseqqinneq)**

(Aningaasaqarnermut Akileraartarnermullu Naalakkersuisoq)

(Siullermeerneqarnera)

Demokraatit siunnersuummut qujapput, uani ukiumut aningaasanut inatsisissap amerlanerussuteqartunik isumaqatigiissutaasumut toqqaannartumik kingunerusoq. Uagutsinnut pingaartuuvoq, siunertarijuassagipput, takornarissat nunatsinnut tikittartut, annerpaamik aningaasarsiuutiginnissaat.

Tassunga atasumik umiarsuarni takornariat takornarianit allanit allaanerupput, umiarsuarni takornarissanik angallassisutini najugaqarlutillu nerisaqartaramik. Taamaattumillu illoqarfinni suliffeqarfinnut aningaasaleerpiassanatik takornarissatut allatuulli. Tamanna tunngavigalugu silatusaannerussaaq, taakku takornarissat akitsuummik akiliisittaleraanni maaniinneranni. Pingaartuuvorli, akitsuutip annertussusissaata eqqarsaatigilluaqqaarnissaa. Ima inissisimasariaqassagami, uagutsinnut Kalaallit Nunaaniittunut tulluurtumik, aammali umiarsuarnik takornariat nunatsinnukarnissaannik qimaasinagit. Mianersuullugu suliarineqartariaqassaaq.

Naalakkersuisut siunnersuuteqarput, akitsuut umiarsuarmik takornarissamut ataatsimut 50 koruuniussasoq. Naleqquttutut isikkoqarpoq. Taamaakkaluartorli Aningaasaqarnermut- aamma Akileraartarnermut ataatsimiititaliaq kajumissaarusuppara tamanna misissorluaqqullugu, pitsaanerpaamik qulakkeerumallugu, siullermeerluta pitsaasumik inerniliinissarput.

Taamatut paasinnilluta siunnersuutit Aningaasaqarnermut- aamma Akileraartarnermut ataatsimiititaliami sukumiisumik suliareqqinneqarnissaa innersuussutigaarput.